

mi. Sed eam quæ in ventre reperitur, esse prauam: quæ iuxta spinam dorsi, meliorem. Sæpe etiam lacertæ, viperæ, vt Martialis dicit, pisces & oua pisciũ, succino inclusa, ac cum eo in lapidem mutata, reperiuntur. Ergo vel suauis halitu afficiuntur, vel ad alimẽtum capeffendum alliciuntur: vel in pellucidum splendensq; bitumẽ, nõ sine calidis halitibus in maris fundũ è terra scaturiens, cæco impetu feruntur, nõ secus atq; solent sectari aquas ex solis æstu & splendore illustratas.

Nequaquam ergo ex piscibus generari potest, cùm pinguedo vel spuma Phocarum nullo cognationis vinculo, succino respõdeat. Absurdum autem est quod addit, in quies: Et quod aqua illa in tam pingui corpore concocta, aliquid ex eo, vt & in nobis vri na educit, ex cuius copia aliquid fieri necesse est, &c. Exile quoque argumentum est, quod Phocæ odorem castorei horrent, quod succino contra